



Marianne Paviassen Jensen  
Inatsisartunut ilaasortaq, Inuit Ataqatigiit

**§37 naapertorlugu apeqqummut akissut nr. 014/2025 – Upernaviarsummi Inuulimilu savaatilinggorniarfik pillugu**

08-05-2024  
Suliap normua: 2025 - 9824  
All. nr. 25331122

Postboks 1029  
3900 Nuuk  
Oqarasuaat: +299 34 50 00  
Email: [iktin@nanoq.gl](mailto:iktin@nanoq.gl)  
[www.nanoq.gl](http://www.nanoq.gl)

Asasara Mariane Paviassen Jensen,  
Inatsisartut suleriaasiat naapertorlugu apeqquinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1:**

**Upernaviarsummi savaatilinggorniat ilinniartita matunerata kingorna ilinniartut, ilinniartitsisullu pillugit qanoq iliuuseqartoqarpa?**

- a) Ilinniartitsisut qanoq pineqarpat?**
- b) Ilinniartut Inuulimut nuunneqartut sunik ilinniartinneqarpat?**

**Akissut:**

Tusagassiortunut nalunaarummi 9.4 2025-meersumi allassimavoq sanaartukkat inillu pissusissamisuunnginnerat peqqinnanginnerallu pissutigalugit savaatilinggorniarfimmi atuartsineq Narsamut nuunneqarnerani taamaallaat init matuneqartut, ilinniartitsisut matuneqarani.

Atuartsineq semesterimi piffissami tassani Narsami INUILImi ingerlanneqartussat pilersaarutaareersaq pilersaarutit malillugit ingerlavoq, allanngoranilu nangeqqissalluni, tassungalu atatillugu atuartut ilinniartitsisunullu iliuuseqarnissamut nutaanik aallartitsisoqanngilaq.

Peqataasut tamarmik ilisimatinneqarput ukiumi atuarfiusussami matumani Upernaviarsummut uteqqissanngitsut, atuagarsornerillu pilersaarutaareersut nangingneqassapput Inuussutissalerinermullu ilinniartitsisut INUILImi ingerlanneqassallutik tassanimi suliffissatut atuartsivissatullu piumasaqaatit naammassineqarmata. Atuartut suliffimmik misiliiffisatit allanngortinnagit atuartinneqarnerat naammassinissaata tungaanut ingerlaannassaaq.

**a) Ilinniartitsisut qanoq pineqarpat**

**Akissut:**

Atuartsineq semesterimi piffissami tassani Narsami INUILImi piumaannartussatut pilersaarutaareersaq allanngoranu ingerlaannassaaq, tassungalu atatillugu atuartut

ilinniartitsisunullu iliuuseqarnissamut nutaanik aallartitsisoqanngilaq. Sulisut tamarmik ingerlaannassapput ilinniarfimmiluunniit atuartitsillutik suliatik nangissinnaassavaat.

**b) Ilinniartut Inuili nutunneqartut sunik ilinniartinneqarpat?**

**Akissut:**

Atuartut killiffii aallaavigalugit atuartitsissutini atuartinneqartarput, piffissamut atuartitsinissamut pilersaarut pioreersoq malillugu. Taakku atuartitsissutit imarisaat makkuupput inuiaqatigiilerineq, ikiueqqaarneq, ikuallattoqartillugu sungiusarnerit, inuiaqatigiinni akuuneq pillorissaanerlu.

**Apeqqut 2:**

**Naalakkersuisut Nunalerinermik ilinniarfimmik kujataani pilersitsinissamik pilersaaruteqarpat?**

**a) Imaluunniit pioreersoq INULI aqutigalugu ilinniarfik piorsarniarneqarpa nunalerinermik ilinniarfimmik/pikkorissarfimmik pilersitsinikkut?**

**Akissut:**

Kujataani nunalerinermik ilinniarfiliortoqassanersoq nunalerinermilluunniit ilinniarfimmik pikkorissarfimmilluunniit ammaanissamut INULI atorineqassanersoq maannarpiaq politikikkut isummertoqarnikuunngilaq.

**Apeqqut 3:**

**Inuili ilinniarfittut siammasinnerusunngorlugu ilinniarfinngortinnissaanik Naalakkersuisooqatigiinnissamut isumaqatigiissut qanoq paasineqassanersoq Naalakkersuisut nassuarsinnaavaat?**

**a) Tassunga atatillugu aningaasaliissutit qanoq annertussuseqassanersut takorloorneqareerpa?**

**Akissut:**

Naalakkersuisooqatigiinnissamut isumaqatigiissummi allassimavoq *"Inuili inuussutissalerinermut ilinniarfiuinnarani siammasinnerusumik ilinniarfinngorluni, imminut pilersornermut attuumasunik tamanik aallussiffiusunngorlugu ineriartortinneqassaaq."* Taamatut oqaasertaliinikkut erseqqissarneqarpoq Naalakkersuisut Inuili inuussutissarsiutaannanut sammisaqartikkusunngikkaat, ilinniarfittullu inuiaqatigiit pisariaqartitaannut naapertuuttunngorlugu ineriartortikkusukkaat kiisalu imminut pilersornermi, minnerusumik nunalerinermi uumasuteqarnermilu atuartitsinermik neqerooruteqartillugu.

*Qulaajaaneq 1 - "Upernaviarsummi savaatiliinngorniarfiup pitsanngorsarneqarluni nunalerinermik ilinniarfinngortinneqarsinnaanerani periarfissanik misissuineq"-mut aamma qulaajaaneq 2 - "Inuili ilinniakkanut pilersaarutit allanngortinnissaannut nutartinnissaannullu periarfissat"-mut atatillugit savaatiliit paasissutissanik pissarsiorfigineqarput, paasinarsillunilu iminnut pilersornissamut, piujuartitsinissamut uumasuteqarnissamullu ilinniaqqinnissamut, piukkunnarsaqqinnissamut sivikitsumillu pikkorissarnissamut periarfissat amerlanerusut kissaatigineqartut.*


Taamaattumik Inuili qitiutillugu ilinniakkallu qaffasissusaa aallaavigalugu nunatta imminut pilersornerunissaanut tassanilu ineriartortitsinissamut politikkikkut erseqqissumik angorusutaqarnermik naalakkersuisoqatigiinnissamut isumaqatigiissut ersersitsivoq. Tassunga atatillugu pingaaruteqarpoq inuusuttut neqeroorfigineqartarnissaat ilinniartinnik piukkunnartunik siunissamilu atorluarneqarsinnaasunik inuiaqatigiillu imminut pilersornerunissamut ineriartorneranut, pisariaqartitaannut kissaataannullu tamarmiusunut tapertaasussanik.

**a) Tassunga atatillugu aningaasaliissutit qanoq annertussuseqassanersut takorloorneqareerpa?**

**Akissut:**

Aningaasaliissutissat amerlassusaannut atatillugu sunik naatsorsuuteqarnissamut suli politikkikkut isummertoqanngilaq, pissutigalugu tamanna Naalakkersuisut atuarfimmud aaqjiissutissatut isummernerat apeqqutaasussaammat.

Inussiarnersumik Inuulluaqqusillunga  
Med venlig hilsen



Nivi Olsen